



Cara hentikan panggilan kecemasan

BAGAIMANAKAH cara untuk menghentikan pengiraan masa mendail semula secara automatik panggilan kecemasan SOS bagi telefon pintar iPhone?

- Arif, Pedas.

Fungsi *Emergency SOS* yang terdapat dalam telefon pintar iPhone dengan sistem iOS 11 membolehkan pengguna membuat panggilan kecemasan atau menghantar isyarat kecemasan secara pantas kepada pihak tertentu dengan lebih spesifik. Fungsi ini lebih kurang sama dengan fungsi butang panik yang ada pada mana-mana sistem komputer atau perisian.

Ciri fungsi *Emergency SOS* ini yang automatik akan memanggil nombor kecemasan apabila butang *Side* dan salah satu butang *Volume* ditekan selama beberapa saat. Dengan menekan butang ini, pengiraan masa bermula dari 3, 2, 1 dan seterusnya mula mendail nombor kecemasan menggunakan ciri panggilan automatik *Emergency SOS*. Fungsi ini merupakan satu ciri yang hebat untuk beberapa tahap tetapi ia boleh menjadi isu dalam pelbagai senario seperti ketika mengambil tangkapan skrin, but semula iPhone secara paksa, cuba menyahaktifkan sistem pengecaman wajah pada iPhone X buat sementara waktu dan lain-lain.

Ikuti langkah mudah ini untuk memberhentikan paparan pengiraan masa dan panggilan kecemasan secara automatik. Dengan menyahaktifkan ciri ini, fungsi *Emergency SOS* masih boleh digunakan dengan menyentuh permukaan skrin pada kawalan *Emergency SOS* untuk membuat panggilan kecemasan.

1 Pergi ke menu *Settings* pada iPhone.

2 Buka fungsi *Emergency SOS*.

3 Sentuh (*tap*) pada suis *Auto call* ke kedudukan *Off*.

Jika dibuat penutupan bagi pilihan panggilan automatik untuk kecemasan SOS, pada masa akan datang untuk membuat panggilan kecemasan perlu menekan butang *Side* dan salah satu butang *Volume* selama beberapa saat. Leret sama ada *Emergency SOS* atau *Medical ID* untuk membuat panggilan. Pengguna boleh meminta siri untuk menghubungi kenalan kecemasan, *Hey Siri, call emergency numbers*. Siri akan memulakan masa pengiraan untuk mendail nombor kecemasan dengan cepat.